



Broj:02/2-05-1-106/15

Sarajevo, 14.12.2015. godine

IZVJEŠTAJ
O POSJETI ČLANOVA KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE DOMA NARODA PS BiH
RUSKOJ FEDERACIJI
MOSKVA 06-09.12.2015. GODINE

Delegacija Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine u sastavu: g. Nebojša Radmanović, predsjedavajući, g. Seda Kadić prvi zamjenik i g. Mario Karamatić, drugi zamjenik predsjedavajućeg, gđa Mirsada Bukarić-Kovačević, rukovodilac Sektora za međunarodne односе i protokol PS BiH i gđa Dobrinka Savić, stručni saradnik u Komisiji, na poziv g. Konstantina Kosačeva, predsjednika Komiteta Vijeća Federacije za međunarodna pitanja boravila je u bilateralnoj posjeti Moskvi od 07-09.12.2015. godine. Tom prilikom delegacija PS BiH se sastala sa predstavnicima Savjeta federacije Federalne skupštine RF, Ruske Dume, Ministarstva vanjskih poslova.

Sastanak sa g. Konstantinom Kosačevim, predsjednikom i članovima Komiteta Vijeća /Savjeta federacije za međunarodne poslove (Gornji dom).

Na početku sastanka je izražena topla dobrodošlica prvoj zvaničnoj delegaciji PS BiH u bilateralnoj posjeti Ruskoj Federaciji koja se realizira u veoma interesantnom periodu. Upućene su čestitke BiH na uspješno okončanom predsjedavanju BiH Vijećem Evrope, godišnjici potpisivanja Dejtonskog mirovnog sporazuma, čiji je garant i Rusija. G. Kosačev je i ovom prilikom zahvalio Bosni i Hercegovini na suzdržanom stavu u vezi s isporukom streljačke municije Ukraini, te naglasio značaj prisustva predsjedavajućeg Predsjedništva BiH g. Mladena Ivanića i drugih visokih dužnosnika BiH na svečanosti obilježavanja Dana pobjede nad fašizmom 09. maja 2015. godine.

G. Radmanović je, u ime delegacije Komisije za vanjsku i trgovinsku politiku, carine, saobraćaj i komunikacije DN PS BiH izrazio nadu da će ova posjeta doprinijeti unapređenju međuparlamentarne saradnje koja nije bila na zadovoljavajućem nivou u proteklom periodu. Informisao ruske kolege s prioritetima bh integracijskih prioriteta, naglasivši značaj i korake koji se poduzimaju u ispunjavanju uslova za pristupanju EU te pojasnio situaciju u vezi s članstvom BiH u NATO-u. G. Kadić i g. Karamatić su, nastavljajući podržavati trend novih, boljih i otvorenijih odnosa između naših parlamenata, te u interesu obaju država dali poticaj unapređenju ekonomske saradnje, otvaranjem novih mogućnosti saradnje u oblasti agrikulture, izvozu-uvozu poljoprivrednih proizvoda, turizma.

G. Kosačev je istakao značajnu ulogu parlamentaraca koji mogu ubrzati procese ratifikacije potrebnih sporazuma, čime bi se otvorile veće mogućnosti za nove poslove i u mnogome pojednostavile okolnosti buduće ekonomske saradnje. S tim u vezi napomenuo je važnost ubrzanja procedura za potpisivanje Sporazuma o izbjegavanju dvostrukog oporezivanja i Sporazuma o uzajamnoj zaštiti investicija. Informisao bh delegaciju da se od 01.01.2016. godine tržište Ruske Federacije zatvara za proizvode iz Turske te ukazao na eventualne mogućnosti učešća bh proizvođača u opskrbi velikog ruskog tržišta poljoprivrednim proizvodima. Aktualizirano je i pitanje klirinškog duga za plin o čemu još uvijek nije postignuto rješenje unutar BiH.

G. Radmanović, g. Kadić i g. Karamatić su, u cilju rješavanja važnog preduslova za izvoz poljoprivrednih i roba životinjskog porijekla iz BiH u Rusiju, zatražili od g. Kosačeva i članova njegove Komisije da se u BiH pošalje Inspekcija za fitosanitarni nadzor Ruske Federacije kao preduslov u utvrđivanju mogućnosti realizacije ovih poslova.

U cilju daljeg unapređenja saradnje između Komisija za vanjsku i trgovinsku politiku, carine, saobraćaj i komunikacije Doma naroda PS BiH i Komiteta Vijeća Federacije za međunarodna pitanja, **g. Radmanović** je uputio poziv g. Kosačevu da posjeti Bosnu i Hercegovinu.

Sastanak sa g. Ilijasom Umahanovim, zamjenikom predsjednice Savjeta Federacije Ruske Federacije

G. Umahanov je izrazio lično zadovoljstvo susretom sa članovima delegacije Doma naroda PS BiH u direktnom razgovoru i dijalogu predstavnika Gornjih domova naše dvije države. Podržao unapređenje međuparlamentarne ali i drugih oblika saradnje sa BiH, čemu će doprinijeti i dva sporazuma u pripremi, o turizmu i socijalnom osiguranju. Informisao bh parlamentarnu delegaciju o aktvnostima ruskih parlamentaraca i pozivu koji su uputili kolegama parlamentarcima na konsolidaciju u zajedničkoj borbi protiv ISIL-a. Zahvalio na uravnoteženom i izbalansiranom stavu BiH parlamentarca u određenim parlamentarnim tijelima.

Predsjedavajući Radmanović je prenio pozdrave rukovodstav Doma naroda PS BiH g. Valentini Matvijenko, predsjednici i g. Umahanovu, zamjeniku predsjednice Savjeta federacije te izrazio nadu da će se naši odnosi razvijati i brže i intenzivnije u predstojećem periodu.

Sastanak sa gđom Svjetlanom Žuravoj i g. Aleksandrom Romanovičem zamjenicom predsjedavajućeg i članom Komiteta za međunarodnu saradnju Ruske Dume. Obostrano je ocijenjeno da posjeta delegacije PS BiH označava novi korak u ravoju međuparlamentarne saradnje. G. Radmanović, g. Kadić i g. Karamatić su informisali predstavnike Ruske Dume o aktuelnim događanjima u BiH, o aktivnostima koje se poduzimaju na realizaciji evropskog puta BiH ali idrugim vezanim za politički segment našeg društva. G. Romanovič i gđa Žuravoj pomenuli su značaj i ulogu Grupa prijateljstva koje djeluju u Parlamentima naših zemalja te izrazili očekivanja da će buduća ekonomska sardnja biti potaknuta i od strane ovih parlamentarnih tijela.

Sastanak sa g. A.J. Meškovim, zamjenikom ministra vanjskih poslova Ruske Fedracije

Izuzetno sadržajan i vrlo konstruktivan sastanak delegacija Doma naroda PS BiH je je imala u MVP Ruske Federacije, prije svega zbog izražene nade i poruka ruskih domaćina da će ova parlamentarna posjeta otvoriti vrata buduće sardnje i unaprijediti odnose između naših država. G. Meškov se osvrnuo na trenutnu situaciju na političkom planu te s tim u vezi, ukazao na velike mogućnosti za bh privredu i poboljšanje ekonomske saradnj sa Ruskom Federacijom nakon poznatih zbivanja i najave sankcija za turske proizvode. Takođe je izražena nada da će se i na predstojećem Mješovitom komitetu-sastanku dva resorna ministarstva BiH i RF razmatrati i pitanje „ruskog turizma u BiH“, mogućnostima za otvaranjem puteva saradnje nakon uvedenih suspenzija prema Turskoj, Egiptu, a najvjerojatnije i Crnoj Gori. Razgovarano je i odругim pitanjima, bh neizmirenom dugu za ruski gas, o pitanjima terorizma i kako se oduprijeti globalnoj pošasti o čemu je razgovarano i na Samitu OSCE u Beogradu. G. Meškov se još jedanput zahvalio BiH na određenim odlukama i stavovima u vezi s neisporukom streljiva Ukraini, saradnji naši Stalnih delegacija u PS VE, ali i na prisustvu visokih dužnosnika BiH vlasti na svečanom obilježavanju i paradi u čast 70. godišnjice ruske revolucije.

Rezime najvažnijih pitanja o kojima je razgovarano na sastancima članova Delegacije Komisije za vanjsku i trgovinsku politiku, carine, saobraćaj i komunikacije Doma naroda PS BiH sa ruskim zvaničnicima:

- Aktiviranje rada parlamentarnih Grupa prijateljstva PS BiH i Ruske Federacije realizacijom posjeta Sarajevu i Moskvi
- Izražena očekivanja za podršku PS BiH za povratak ruskih parlamentaraca u Parlamentarne skupštine Vijeća Evrope na Januarskom zasjedanju 2016. godine u Strazburu
- Aktualizirati pitanje isporuke gasa BiH. Od 2019. godine isporuke ruskog gasa preko Ukraine će biti obustavljene, odakle se snabdijeva i BiH. Ruska strana smatra da će ovo pitanje biti riješeno te da BiH neće ostati bez gasa
- Ubrzati dolazak inspekcije Federalne službe za fitosanitarni nadzor RF u BiH, što će omogućiti izvoz roba životinjskog porijekla iz BiH na rusko tržište
- Ubrzati procedure za potpisivanje Sporazuma o izbjegavanju dvostrukog oporezivanja i Sporazuma o uzajamnoj zaštiti investicija

- Neophodnost održavanja Mješovitog komiteta BiH i RF za trgovinsko-ekonomsku saradnju na kojem će biti razmatrana pitanja ovih oblasti
- Ruska strana razmatra Sporazum o socijalnoj zaštiti i Memorandum o saradnji u oblasti turizma između dvije zemlje.
- Potrebno je ubrzati procedure za rješavanje međusobnih dugovanja i potraživanja, BiH nije riješila klirinški dug

Izvještaj pripremila:

Mirsada Bukaric-Kovačević
Tukovodilac Sektora za međunarodne
odnose i protokol PS BiH

Izvještaj odobrio:

Nebojša Radmanović
Predsjedavajući
Komisije za vanjsku i trgovinsku
politiku, carine, saobraćaj i
komunikacije DN PS BiH

Dostaviti:

1. Kolegiju Doma naroda PS BiH
2. Kolegiju Predstavničkog doma PS BiH
3. Komisiji za vanjsku i trgovinsku politiku, carine, saobraćaj i komunikacije DN PS BiH
4. Komisiji za vanjske poslove PD PS BiH
5. Grupi prijateljstva PS BiH za saradnju sa parlamentom Ruske Federacije
6. Sektoru za međunarodne odnose i protokol PS BiH
7. Arhivi